

Dienelkander



Nuusbrief van die Gereformeerde Kerk Potchefstroom-Oos

WhatsApp: 067 713 2332

Facebook: www.facebook.com/oosdoppers

Intydse erediensuitsendings op YouTube by: Oos-Doppers Potch

Webblad: www.oosdoppers.co.za

Erediens videobank: <http://ow.ly/ivfZ309vsdc>

17 September 2023

09:30 OGGENDEREDIENS:

Ds. Piet Venter

Baie welkom! Ons vier vanoggend met groot dankbaarheid Nagmaal en almal wat aansoek gedoen het om saam met die gemeente die Sakrament te gebruik, word hartlik daartoe uitgenooi.

Ons het verlede Sondag met die afsluiting van die reeks oor die Heilige Gees gehoor dat ons die vrug van die Gees in volle oorfloed moet dra! **Daar is net een manier waarop dit in jou lewe kan gebeur: jy moet eers jou geestelike dors deur geloof in Jesus Christus les.** Hy versadig jou dan so in oorfloed met die Heilige Gees, dat die Gees se werk soos strome lewende water uit jou lewe voortvloei.

Daarom roep die Here Jesus jou vanmore deur sy Woord na die Nagmaal met die woorde: As iemand dors het, laat hy na My toe kom en drink! Die vraag is net: om watter rede sal jy vanmore op hierdie roepstem van Jesus reageer? Watter dors wil jy kom les?

Tema: Versadig jou ware geestelike dors in Christus en Hy sal die Gees soos strome lewende water uit jou laat vloei!

God en ons ontmoet mekaar

Intreelied: Lied 163: 1; Votum; Seën; Sing Ps. 118 - 1: 2, 12, 13; Geloofsbelofte: 12 Artikels; Sing Ps. 9 - 1: 7;

Ons verootmoedig ons voor God

Wet: Eksodus 20; Sing Ps. 42 - 3: 1, 5; Gebed deur oudl Christo vd Walt;

God bedien aan ons sy Woord en ons ontvang dit aktief in geloof

Skriflesing: Johannes 4: 7 - 14 en

Johannes 7: 37 - 44

Teksverse: Johannes 7: 37 - 39

Sing: Ps. 105 - 1: 22, 23; (Kleuters gaan na hulle bediening); Woordverkondiging

Sakramentsbediening

Sing Ps. 63 - 1: 1, 3 (ps 18 se 2 de mel); Formulier vir die Nagmaal deur Johannes Calvyn; Sing Sb. 17 - 3: 1, 2; Nagmaalbediening; Sing aan tafel:

Ps. 107 - 1: 2, 4; Gebed deur oudl Theo Coetzee;

Ons antwoord op die Woordbediening

Liefdegawe; Sing Sb. 8 - 2: 4, 5, 7, 9 (Mel van Ps. 100); Seën; Amenlied: Sb.13 - 1.

GROEPBEDIENING

Soos gereël in groepe.

MEELEWING

- Magda Huisman se oogoperasie het goed afgeloop.
- Huib van Hamburg se operasie het goed afgeloop. Dit was 'n groot operasie met baie moontlike komplikasies en hy sterk nog aan in Medikliniek.
- Ursula Wijnberg het Vrydag 'n spesialis in Pretoria gaan sien met die oog op 'n moontlike operasie nadat sy geval het en beserings opgedoen het.
- Johan Rousseau se pa is al vir 'n geruime tyd in Medikliniek se ISE en is ernstig siek. Ons dra sy moeder en hulle familie aan die Here op.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

BEDIENINGE VAN HIERDIE WEEK

Vandag

09:00 Gebedsgroep

09:30 Oggenderediens

Kleuterbediening

Geen Katkisasie

Tee en koffie

Nagmaalete

Kleingroepbediening

Dinsdag

06:00 Manne-Ondersteuningsgroep

Geen Katkisasie gr 8 - 10

Woensdag

09:30 Bybelstudie

Amandelbloeisels verskuif na Woensdag,

27 Sept.

17:00 Katkisasie gr 11

18:30 Elim-Bybelstudie

AFKONDIGINGS

- Beide liefdegawes vandag: Diakonie (Groot boks en Klein boks) Zapper-betaalmetode beskikbaar.
- Gawes volgende Sondag by die deure vir GKSA Sustentasië.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 20 en 21.

VERJAARSDAE

Baie geluk aan almal wat DV hierdie week verjaar!

Sondag, 17 September

Sr Lorette Bester

Br Koos de Klerk

Jsr Anjenè Lazenby

Jsr Lihanke Lazenby

Sr Esmari Rood

Jbr Henlu van As

Maandag, 18 September

Br Martin Bester

Dinsdag, 19 September

Jsr Katrien Haasbroek

Woensdag, 20 September

Sr Hyla Alberts

Br Wikus v Niekerk

Donderdag, 21 September

Br Dries Schutte *

Vrydag, 22 September

Br Orrie Oosthuizen

Saterdag, 23 September

Sr Melanie Crause

Sr Marianne Kruger

* Lidmate met spesiale verjaarsdae – 75 jaar en ouer

AMANDELBLOEISELS – 27 September 2023

Liewe Amandelbloeisels, ons volgende byeenkoms skuif na DV **27 September** – let asseblief op hierdie veranderde datum! Daar word 'n heerlike prettige verskeidenheidskonsert deur almal vir hierdie geleentheid beplan. Ment het heelparty Amandelbloeisels alreeds hieroor gepols en ingelig. Indien jy nog nie gehoor het

wat sy beplan nie, kontak haar asseblief – want hierdie geleentheid durf niemand misloop nie!

Maak julle reg vir 'n onvergeetlike en gesellige saamkuier op 27 September – dan hoop ons om die lente uiteindelik hier te verwelkom!

PASTORIE: TELKOM LANDLYN

Die pastorie se landlyn is buite werking. Kontak ds Piet op sy selfoon asb.

KINDERFEES 2 - 6 OKT 2023



Ons het die afgelope week begin met ons bemerking van die Kinderfees op sosiale media! HELP ONS ASB HIERMEE. Gaan kyk na ons "Potchefstroom Kinderfees" Facebookblad, klik op die "Volg"-skakel en deel ons blad met mense op jou sosiale media. Dit is baie effektiewe bemerking! Ons gaan ook vir lidmate die bemerkingspamflet WhatsApp en vra dat julle dit stuur na vriende met laerskoolkinders.

Ons is baie dankbaar vir die span mense wat aangemeld het om te help met die Kinderfees. Daar is lidmate en mense van buite wat hulle hulp aanbied. Ons het die afgelope Vrydag en Saterdag baie goeie opleidingssessies gehad en ons vertrou dat ons 'n volle getal van 60+ kinders sal ontvang vir die fees.

Bid vir die Here se seën op die Kinderfees asoos vir die span onder leiding van Engela van der Walt en Nicolette Visser.

KERSMARK 2023

Glo dit of nie - ons is reeds hard besig om hierdie jaar se Kersmark te beplan! Ons benodig dames wat bereid is om lap-voerings te help maak wat ons binne-in ons Inkopiemandjies (30) wil sit, sodat kleiner items nie deurval wat kopers daarin pak nie. Dan het ons ook dames nodig om die Inkopiesakke wat stukkend is, te herstel. Kontak asb vir Mariska vd Walt by 078 101 6262 indien jy hiermee kan help.

DATUMS OM TE ONTHOU!

DANKBAARHEIDSFEEES - 28 OKTOBER

Die Diakonie nooi die hele gemeente nou reeds uit na 'n heerlike fees, Saterdag 28 Oktober! Ete sal vroeg gereed wees om nie in te meng met rugby-tyd nie!

Soos vorige jare benodig ons weer skenkings, skakel Riaan vd Walt (082 784 9215) as jy hiermee kan help.

GEMEENTEKAMP: 8-10 DESEMBER

Hou solank hierdie datum oop om weer lekker saam te kamp! Almal is welkom! Kontak gerus vir Marlise Styger indien jy belangstel om saam te gaan.

Marlise – 083 655 8145

KENNISGEWINGBORD

GK-Die Bult: Kuierkombuis Aardklop - 3 tot 7 Oktober

GKSA-NUUS

Proponent beroepbaar gestel
Ons maak graag bekend dat Prop. Desmond Magayisa op 11 September 2023 by Klassis Oostelike Pretoria saam met die Artikel 49 Deputate van Streeksinode Pretoria geëksamineer is, en beroepbaar gestel is in die GKSA onder KO, Artikel 4. Ons bid hom alle seën toe met die wag op 'n beroep. Namens Klassis Oostelike Pretoria

HULP AAN JOHAN EN ROMA VISSER SE DOGTER VIR ELEKTRIESE ROLSTOEL

Johan en Roma Visser se dogter, Selouna, is as jong kind gediagnoseer met spinale spieratrofie en het reeds op 7-jarige ouderdom haar vermoë om te loop verloor en maak permanent gebruik van 'n elektriese rolstoel. Sy is nou 28 jaar oud en werksaam by die NWU. Die huidige elektriese rolstoel is opgebruik en 'n nuwe een kos R430 000.00. Enige iemand wat 'n graag 'n bydrae wil maak is welkom om Selouna te kontak by 083 563 1657.



SUSTERS

ROM. 1:16 “EK SKAAM MY NIE OOR DIE EVANGELIE NIE, WANT DIT IS ‘N KRAG VAN GOD TOT REDDING VAN ELKEEN WAT GLO.”

SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die “Zapper App” aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



TEESKINK-GELEENTHEID



Koffie, tee en koeldrank vandag in die Skuur na die oggenddiens.
Baie dankie aan groepsusters en hul groepe wat vandag hiermee help:
Carin Kloppers en groep 7, Marian de Kock en groep 15, Marie Oosthuizen en groep 25,
asook Annarie Oelofse en groep 33.

SUSTERSBYDRAE en BLIKKIES-WARMHARTE

- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in ‘n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.
- Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis ‘n bydrae vir hierdie werk gee.

KANSA-PROJEK



Liewe suster, soos jy reeds weet ondersteun ons gemeente jaarliks vir KANSA. Ons wil steeds hierdie jaar probeer om hulle te ondersteun. Indien jy, familie of vriende tot hierdie projek wil bydra kan jy gerus jou donasie aan die kerk oorbetal met verwysing “KANSA” sodat ons weet om die geld aan hulle oor te betaal. Daar is ook koevertjies in die voorportaal beskikbaar, spesiaal vir KANSA-bydraes!

NAGMAALETE: 17 SEPTEMBER

Baie dankie aan Anna Smith en die susters van Blok B vir die heerlike piekniek-ete wat aan ons voorgesit word.

KWARTAALPROGRAM

DERDE KWARTAAL

DATUM	DAG	TYD	WIE	WAT
Sept-Nov	-	-	Almal	Kansaprojek
2-6 Okt	Week	10:00 en 12:00	Almal	Kinderfees
24 Okt	Dinsdag	18:30	Blok C	Potch-Oos Sustersafsluiting

BAIE DANKIE AAN ONS BORG VAN DIE WEEK!



Sanet Ras Prokureurs

**OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.**

Van Riebeeckstraat 101, Potchefstroom
Tel: (018) 294-8953 k/u



Oosdoppertjie-Jeugbediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

ALGEMENE INLIGTING

LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632-005

Susters

Capitec Bank

Spaarrek: 145 652 5695

Takkode: 470-010